



星大如雞子出參箕入狗星丙辰赤氣自乾  
艮方交發衝射紫微宮是月熒惑入大微四  
旬乃滅十月丙子朔流星出大微入天狗大  
如椀長十尺許己丑月犯諸王辛卯犯五諸  
侯星壬辰犯輿鬼十一月辛亥熒惑犯大微  
壬申流星出翼入中台尾長七尺許十二月  
丁丑流星自坤方指東北墜地聲如雷大如  
盆長六尺許乙酉月暉己丑黃赤氣貫月長  
六尺許月犯軒轅星八年正月戊午月暉